



Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 5. Vanæ gloriæ atq[ue] honoris caußâ facta aliquando in Dei honorem
conuerti.

[urn:nbn:de:hbz:466:1-48689](#)

am, dum eum vincunt, diabolum vincunt ; multi dum ab eo ordinato, vel etiam inordinato reguntur, peccata horrent, ne bonum apud homines nomen amittant : multi opera quædam suscipiunt laboriosa & dura, quæ honoribus adiunctis molliuntur ; multi honoribus, velut pueri crepundijs, placantur, & sinunt se se velut melimelis satiari : dum enim gloriam æternam non merentur, recipiunt in operum suorum mercedem gloriam temporalem : multi excitantur ad artes inueniendas vel exercendas ; multi ad virtutes ipsas tandem recto ordine colendas ; multi ad amicitias conciliandas, & gratitudinem exhibendas ; multi dum alios honorant, Deum ipsum in alijs honorant. Denique per hunc honorem ad æternos honores extimulantur. Quæ omnia explicatiū ostendam.

§. V.

Vana gloria atque honoris causa facta, aliquando in Dei honorem conuerti.

I. Ad captandas vanas hominum laudes quidam sibi statuas posuerunt, quæ postea in Diuorum conuersæ sunt simulachra. Vestierunt se multi & multæ auro & argento, ut coram oculis humanis splenderent,

sed

sed postea is omnis ornatus cessit in ornatum templorum. 2. Ferrum prius calore solutum ac mollitum, postea frigidâ durescit ac solidatur aquâ; ita multi honorum spe aut adeptione deliniti; postea animum ad æternos honores, & solidas virtutes ap-

Heribert. pulerunt. *Monachus quidam presbyter mul-*
Rosveid *torum fratrum pater existens, qui solitus erat*
lib. 3. vit. *S. Pachomium crebrò visitare, venit ad eum*
SS. PP. in *cum uno fratre, propter contentionem, qua in*
vita S Pa- *monasterio orta fuerat, ex hac videlicet causa:*
chomij *Is ipse frater, qui cum eo peruererat, molestu-*
Abbatis *erat ei nimium, clericatus desiderans dignita-*
Taben- *tem: quem sciens indignum tali munere, diuer-*
nens. c. 35. *so modo, ne hoc ipsum fieret, differebat. Et cum*
amplius importunitatem eius ferre non posset,
venit ad S. Pachomium, cuncta qua negotijs
erant eidem pandens, certus, quod ipse solus con-
tentiones huiusmodi posset absoluere. Qui cum
causam penitus cognovisset, ait Presbytero:
Nonne ad hoc venisti, ut per me cognosceres Do-
mini voluntatem? Audi ergo me, & da ei quod
postulat, nihil in hac parte desperans. Fortassis
enim per hoc officium liberabitur anima eius de
captiuitate diaboli. Saepè namque contingit, ut
homo malus affectus beneficijs ad bonos se confe-
rat mores. Desiderium namque malorum, pi-

um nouit ingenerare propositum, his dumtaxat
animabus, qua non usque adeo negligentia torso-
re prolapsa sunt, ut possint studere virtutibus.
Nos ergo frater, hoc agere decet, quod Deo pla-
ceat. Sic enim dilectio eius in nobis esse probabi-
tur, si compatimur alterutrum. Hoc accepto
responso, senior fecit, quod sibi fuerat imperatū.
Sed frater ille voti compos effectus, ad B. Pa-
chomium reuersus est, iam mente sobrius atque
compunctus, & cadens in faciem confitebatur
dicens: O homo Dei, multūm sublimatus es à
Deo, qui discernens ea, qua pertinent ad salu-
tem, malum in bono vicisti. Si ergo non fuisses
erga me mitis, atq; longanimis, sed aliquid in-
me rigidum protulisses: ab hoc discedens habi-
tu, à Deo prorsus alienus efficerer. Nunc autem
benedictus tu Domino, per quem anima mea sal-
ua facta est. Tunc elenans eum de terra vene-
rabilis senex, hortabatur sedulò, ut vitam sume-
ret congruam dignitati, ne quando negligens per-
petua in futuro tormenta sentiret. Et osculatus
eum, dimisit in pace: quem etiam usque ad fo-
res monasterij prosecutus est. Utitur hac Pa-
chomij arte sæpe Deus, dum enim ad ho-
nores admittit illos, qui in priuata vita
fuissent magistri omnium petulantiarum,
sæpe graues efficit atque modestos. Quia

F

honores

honores mutant mores: & alia officia alia exigunt facta. Quoties enim vidimus eos, qui subditi videbantur libertate maiorem utentes, postea superiores factos strictissimum vitae genus amplexos esse? quoties Canonicos audiuimus dissolutos, mitram impositam coercitos? Vno verbo, multi gradus altiores male appetiuerunt, sed bene videntur; & per ipsum errorem grassati sunt ad veritatem. Nimirum ut nutrices pueris dicunt, ne plora, & accipies; ita talibus dicendum est, ne stationem desere; ne abice arma; dabo, & cedam tibi hac vice; ut tu quoque alia vice discas cedere.

§. VI.

Et Christi, & magnorum principum magni honores fugientium exemplo, satius esse honoris appetitum domare.

Heb. 4. 15. 3. Nimirum non habemus Pontificem, qui non possit compati infirmitatibus nostris, cedit ad tempus, & concedit honores etiam illos, quorum appetitum satius esset domare. Et sanè, cum tantum in honoribus situm esse bonum existimemus, magnam Numini victimam offerimus, & eacodæmonem vehementer mactamus, si mactemus honoris appetitum. Excelsi enim animi est, cum præclarus